



"MENGHARGAI NILAI KEMERDEKAAN"

الْحَمْدُ لِلَّهِ الْقَائِلِ: إِنَّا فَتَحْنَا لَكَ فَتْحًا مُبِينًا.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ وَأَشْهَدُ
أَنَّ مُحَمَّدًا عَبْدُهُ وَرَسُولُهُ. اَللّٰهُمَّ صَلِّ وَسَلِّمْ عَلَى
سَيِّدِنَا مُحَمَّدٍ وَعَلَى آلِهِ وَأَصْحَابِهِ أَجْمَعِينَ.
أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، قَالَ اللَّهُ
تَعَالَى: يَا أَيُّهَا الَّذِينَ ءَامَنُوا اتَّقُوا اللَّهَ حَقَّ تَقَاتِهِ وَلَا تَمُوتُنَّ
إِلَّا وَأَنْتُمْ مُسْلِمُونَ.

Sidang Jumaat Yang Dirahmati Allah,

Marilah kita bersama-sama meningkatkan ketaqwaan kepada Allah SWT dengan melaksanakan segala perintah-Nya dan meninggalkan segala larangan-Nya.

Di bulan Ramadhan ini kita sedang berjuang untuk membebaskan dan memerdekakan diri kita daripada sebarang dosa dan maksiat. Mudah-mudahan



segala amalan kita diterima oleh Allah dan Berjaya memerdekakan diri kita daripada api neraka.

Sempena bulan kemerdekaan kali ini juga marilah kita memahami erti kemerdekaan. Kemerdekaan secara umumnya dapat diertikan sebagai bebas dan lepas daripada sebarang bentuk penjajahan dan naungan serta mampu berdiri sendiri dengan tidak bergantung kepada yang lain. Negara kita Malaysia telah mendapat kemerdekaannya secara rasmi pada 31 Ogos 1957 dalam ertikata rakyat di negara ini sudah tidak lagi dijajah oleh kuasa asing. Setelah sekian lama berada di dalam cengkaman penjajah, akhirnya umat Islam telah mendapat semula kuasa memerintah di tanahair sendiri. Sesungguhnya ini merupakan satu bentuk kemerdekaan yang perlu dipertahankan oleh setiap rakyat yang cintakan tanahairnya. Kemerdekaan ini merupakan suatu nikmat yang diberikan oleh Allah swt agar dapat disyukuri oleh setiap umat Islam yang inginkan kebebasan dan keamanan. Firman Allah swt di dalam surah An-Naml ayat ke 40;

قَالَ هَذَا مِنْ فَضْلِ رَبِّي لِيَبْلُوَنِي ۚ أَأَشْكُرُ أَمْ أَكْفُرُ ۚ وَمَنْ
شَكَرَ فَإِنَّمَا يَشْكُرُ لِنَفْسِهِ ۖ وَمَنْ كَفَرَ فَإِنَّ رَبِّي غَنِيٌّ كَرِيمٌ



"Dia berkata (Nabi Sulaiman), Ini ialah daripada limpah kurniaan Tuhanku, untuk mengujiku adakah aku bersyukur atau aku tidak mengenangkan nikmat pemberian-Nya. (Sebenarnya) sesiapa yang bersyukur, maka faedah syukurnya itu hanyalah kembali kepada dirinya sendiri, dan sesiapa yang tidak bersyukur



(maka tidaklah menjadi mudarat kepada Allah), kerana sesungguhnya Tuhanku Maha Kaya lagi Maha Pemurah".

Persoalannya, apakah hakikat kemerdekaan yang wajib dipertahankan? Adakah memadai dengan laungan merdeka pada setiap tanggal 31 Ogos sedangkan pemikiran kita masih lagi mengikut telunjuk kuasa asing yang pernah menjajah kita suatu masa dahulu?. Apakah kita sekadar berpuas hati dengan kebebasan lahiriah sedangkan jiwa dan rohani kita masih lagi terbelenggu dengan pemikiran dan budaya negatif penjajah?.

Sidang Jumaat Yang Dirahmati Allah,

Menurut Islam, kemerdekaan itu bererti kebebasan daripada sebarang bentuk penjajahan samada lahiriah mahupun batiniah. Namun kebebasan itu mestilah dibataskan dengan syariat Allah swt. Kebebasan itu juga bermaksud bahawa seseorang itu dapat melepaskan dirinya daripada ikatan dunia dan nafsu serta tidak tunduk melainkan hanya kepada Allah swt sebagaimana kita dididik sebulan di madrasah ramadhan ini.

Pada hakikatnya manusia tidak boleh bebas mengikut kehendaknya sendiri. Allah swt menentukan perkara yang dibolehkan dan dilarang kepada manusia demi kebaikan hidup mereka di dunia dan di akhirat. Bahkan secara fitrahnya juga manusia itu diciptakan oleh Allah swt mempunyai naluri untuk berpegang kepada agama sebagai panduan di dalam kehidupan ini. Firman Allah swt di dalam surah Ar-Ruum ayat ke 30 ;



فَأَقِمْ وَجْهَكَ لِلدِّينِ حَنِيفًا فِطْرَتَ اللَّهِ الَّتِي فَطَرَ النَّاسَ
عَلَيْهَا لَا تَبْدِيلَ لِخَلْقِ اللَّهِ ذَٰلِكَ الدِّينُ الْقَيِّمُ
وَلَكِنَّ أَكْثَرَ النَّاسِ لَا يَعْلَمُونَ ﴿٣﴾

"Maka hadapkanlah wajahmu (mengikhlaskan dirimu) ke arah agama Allah, fitrah Allah yang telah menciptakan manusia menurut fitrah itu, tidaklah patut ada sebarang perubahan pada agama Allah; itulah agama yang lurus, tetapi kebanyakan manusia tidak mengetahui".

Manusia menurut fitrahnya memang memerlukan kemerdekaan dan kebebasan tetapi kemerdekaan dan kebebasan itu terbatas dengan syariat Allah.

Sejarah perjuangan Islam telah menyaksikan bahawa Rasulullah SAW adalah merupakan utusan terakhir Allah yang berjuang membebaskan umat manusia dari penjajahan jahiliyah kepada hidayah Islam. Ini berdasarkan sebuah hadis daripada Abu Hurairah R.A bahawa Rasulullah SAW bersabda:

أُمِرْتُ أَنْ أُقَاتِلَ النَّاسَ حَتَّى يَقُولُوا: لَا إِلَهَ إِلَّا اللَّهُ،
فَمَنْ قَالَ لَا إِلَهَ إِلَّا اللَّهُ فَقَدْ عَصَمَ مِنِّي نَفْسَهُ
وَمَالَهُ إِلَّا بِحَقِّهِ وَحِسَابُهُ عَلَى اللَّهِ.



"Aku diperintahkan untuk memerangi manusia sehinggalah mereka mengucapkan 'La Ilaha Illa Allah', maka apabila ia mengucapkannya maka telah terpeliharalah darah dan hartanya kecuali dengan haknya dan perhitungannya ke atas Allah S.W.T".

(Riwayat Bukhari dan Muslim)

Sidang Jumaat Yang Dirahmati Allah,

Kemerdekaan negara wajib dipertahankan daripada sebarang bentuk ancaman penjajahan. Antara ciri-ciri sebuah kemerdekaan menurut Islam sebagaimana yang diperjelaskan oleh para cendekiawan Islam adalah sebagaimana berikut ;

- Pertama : Menjadikan syariat Allah swt sebagai panduan dalam menjalankan hukum sesama manusia.
- Kedua : Mengamalkan konsep syura atau musyawarah dalam pentadbiran negara.
- Ketiga : Melaksanakan tanggungjawab dengan penuh keadilan.
- Keempat : Mengutamakan kesepaduan umat.
- Kelima : Melaksanakan amar ma'aruf dan nahi munkar.

Sekiranya ciri-ciri tersebut masih lagi tidak dilaksanakan di dalam sebuah negara, maka kemerdekaan itu tidak akan tercapai sepenuhnya. Usaha-usaha mestilah dilakukan agar syariat Islam itu dapat dilaksanakan secara keseluruhannya. Para pemimpin mempunyai tanggungjawab terhadap kebajikan rakyat. Manakala rakyat pula hendaklah mematuhi pemimpin di samping saling



ingat mengingatkan dan memperbetulkan kesilapan pemerintahnya. Firman-Nya lagi di dalam surah Az-Zariat ayat 55;

وَذَكِّرْ فَإِنَّ الذِّكْرَ يُتَنَفَعُ الْمُؤْمِنِينَ

"Teruskanlah memberi peringatan, kerana sesungguhnya peringatan itu mendatangkan faedah bagi orang yang beriman".

Syariat Islam mestilah dilaksanakan secara menyeluruh samada dalam urusan-urusan ibadat, muamalat mahupun jenayah. Ia tidak akan dianggap sempurna sekiranya hanya dilaksanakan di dalam satu-satu bahagian sahaja tanpa menyentuh bahagian yang lain. Ini bukanlah kemerdekaan yang dikehendaki oleh Islam.

Sidang Jumaat Yang Dirahmati Allah,

Kemerdekaan yang kita pertahankan selama ini janganlah hanya kemerdekaan yang berbentuk lahiriah semata-mata meskipun kita telah berjaya mengeluarkan penjajah daripada tanahair yang kita cintai. Kita juga hendaklah mempertahankan kuasa umat Islam daripada campur tangan kuasa-kuasa asing. Kita hendaklah mempertahankan jiwa dan rohani generasi Islam daripada penjajahan hawa nafsu yang merosakkan nilai akhlak dan akidah umat Islam. Bahka mestilah membebaskan aqidah generasi kita daripada fahaman atau ajaran yang salah dan menyesatkan.

Pengisian merdeka seharusnya diseimbangkan di antara keperluan jasmani dan juga rohani. Tiada salahnya menyambut ulang tahun kemerdekaan pada setiap tahun; yang salahnya ialah apabila pengisian itu dicemari dengan perkara-perkara maksiat dan kemungkaran. Kita hendaklah mengisi kemerdekaan ini dengan amalan-amalan soleh dan perkara-perkara kebajikan yang dapat



mempertingkatkan keimanan kita kepada Allah swt. Firman Allah SWT dalam surah Ali Imran ayat 83 ;

أَفَغَيْرَ دِينِ اللَّهِ يَبْغُونَ وَلَهُ أَسْلَمَ مَنْ فِي السَّمَوَاتِ
وَالْأَرْضِ طَوْعًا وَكَرْهًا وَإِلَيْهِ يُرْجَعُونَ ﴿٨٣﴾

"Apakah mereka hendak mencari agama yang lain daripada Allah? Padahal kepada-Nyalah tunduk taat sekalian makhluk yang ada di langit dan di bumi, sama ada dengan sukarela ataupun terpaksa, dan kepada-Nyalah mereka dikembalikan".

Marilah kita mensyukuri nikmat kemerdekaan dan mempertahankannya serta membebaskan diri secara zahir dan batin daripada mengabdikan diri sesama manusia kepada mengabdikan diri kepada Allah SWT.

أَعُوذُ بِاللَّهِ مِنَ الشَّيْطَانِ الرَّجِيمِ
إِذَا جَاءَ نَصْرُ اللَّهِ وَالْفَتْحُ ﴿١﴾ وَرَأَيْتَ النَّاسَ يَدْخُلُونَ
فِي دِينِ اللَّهِ أَفْوَاجًا ﴿٢﴾ فَسَبِّحْ بِحَمْدِ رَبِّكَ وَاسْتَغْفِرْهُ إِنَّهُ
كَانَ تَوَّابًا ﴿٣﴾



"Apabila datang pertolongan Allah dan kemenangan (semasa engkau wahai Muhammad berjaya menguasai kota Makkah); Dan engkau melihat manusia masuk ke dalam agama Allah beramai-ramai. Maka ucapkanlah tasbih dengan memuji Tuhanmu dan mintalah ampun kepada-Nya, sesungguhnya Dia Maha Penerima Taubat".

(An-Nasr : 1-3)

بَارَكَ اللَّهُ لِي وَلَكُمْ بِالْقُرْآنِ الْعَظِيمِ، وَنَفَعَنِي
وَإِيَّاكُمْ بِمَا فِيهِ مِنَ الْآيَاتِ وَالذِّكْرِ الْحَكِيمِ،
وَتَقَبَّلَ مِنِّي وَمِنْكُمْ تِلَاوَتَهُ إِنَّهُ هُوَ السَّمِيعُ
الْعَلِيمُ.

أَقُولُ قَوْلِي هَذَا وَاسْتَغْفِرُ اللَّهَ الْعَظِيمَ لِي وَلَكُمْ
وَلِسَائِرِ الْمُسْلِمِينَ وَالْمُسْلِمَاتِ، وَالْمُؤْمِنِينَ
وَالْمُؤْمِنَاتِ، فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا مِنَ
الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ، لَا شَرِيكَ لَهُ،
وَأَشْهَدُ أَنَّ مُحَمَّدًا عَبْدُهُ، وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ وَعَلَى
آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ الدِّينِ.
أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ فَازَ الْمُتَّقُونَ.
قَالَ اللَّهُ تَعَالَى: إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ
يَا أَيُّهَا الَّذِينَ ءَامَنُوا صَلُّوا عَلَيْهِ وَسَلِّمُوا تَسْلِيمًا.

اللَّهُمَّ صَلِّ وَسَلِّمْ عَلَى سَيِّدِ الْمُرْسَلِينَ وَارْضَ اللَّهُمَّ عَنْ
أَصْحَابِهِ وَقَرَابَتِهِ وَأَزْوَاجِهِ وَذُرِّيَّاتِهِ أَجْمَعِينَ.
اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ



الْأَحْيَاءَ مِنْهُمْ وَالْأَمْوَاتِ، إِنَّكَ سَمِيعٌ قَرِيبٌ مُجِيبُ
الدَّعَوَاتِ يَا قَاضِيَ الْحَاجَاتِ. اَللّٰهُمَّ اِنَّا نَسْأَلُكَ وَنَتَوَسَّلُ
إِلَيْكَ بِنَبِيِّكَ الْأَمِينِ، وَنَسْأَلُكَ بِأَسْمَائِكَ الْحُسْنَىٰ وَصِفَاتِكَ
الْعُظْمَىٰ أَنْ تَحْفَظَ بَعِيْنَ عِنَايَتِكَ الرَّبَّانِيَّةِ وَبِحِفْظِ وَقَايَتِكَ
الصِّمْدَانِيَّةِ، جَلَالَةَ مَلِكِنَا الْمُعَظَّمِ سُلْطَانَ سَلَاعُورِ، سُلْطَانَ
شَرَفُ الدِّينِ اَدْرِيسِ شَاهِ الْحَاجِ ابْنِ الْمَرْحُومِ سُلْطَانَ
صَلَاحُ الدِّينِ عَبْدِ الْعَزِيزِ شَاهِ الْحَاجِ.

اَللّٰهُمَّ اَدِمِ الْعَوْنَ وَالْهُدَايَةَ وَالتَّوْفِيقَ، وَالصِّحَّةَ وَالسَّلَامَةَ
مِنْكَ، لَوْلِيَّ عَهْدِ سَلَاعُورِ، تَعَكَوْا أَمِيرِ شَاهِ ابْنِ السُّلْطَانَ
شَرَفُ الدِّينِ اَدْرِيسِ شَاهِ الْحَاجِ فِيْ أَمْنٍ وَصَلَاحٍ وَعَافِيَةٍ
بِمَنَّكَ وَكَرَمِكَ يَا ذَا الْجَلَالِ وَالْإِكْرَامِ. اَللّٰهُمَّ أَطِلْ
عُمَرَهُمَا مُصْلِحَيْنِ لِلْمَوْظِفَيْنِ وَالرَّعِيَّةِ وَالْبِلَادِ، وَبَلِّغْ
مَقَاصِدَهُمَا لِطَرِيقِ الْهُدَىٰ وَالرَّشَادِ.



Ya Allah, Engkaulah Tuhan yang Maha berkuasa, kami bersyukur kehadiran-Mu yang telah mengurniakan kami rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri yang maju, sejahtera dan berkebakikan.

Justeru kami pohon kehadiran-Mu ya Allah, tetapkanlah iman kami, tingkatkanlah amal kami, kukuhkanlah perpaduan kami, murahkanlah rezeki kami, kayakanlah kami dengan ilmu yang bermanfaat, suburkanlah jiwa kami dengan budi pekerti yang mulia, kembalikanlah kami ke jalan yang Engkau redhai, lindungilah kami daripada ujian-Mu yang berat seperti kemarau panjang, banjir besar, wabak penyakit, persengketaan, kemiskinan dan lain-lain, supaya dengan demikian, negeri kami akan sentiasa bertambah makmur dan berkat.

Engkau bukanlah hati umat Islam, khususnya di Negeri Selangor untuk melaksanakan ibadah zakat sebagaimana yang telah Engkau fardhukan di dalam Al-Quran. Berkatilah hidup orang-orang yang melaksanakan tuntutan berzakat, menyayangi fakir dan miskin, sucikanlah harta dan jiwa mereka agar mereka hidup dalam keredhaan-Mu. Kau lindungilah golongan fuqara' dan masakin daripada kekufuran dan kefakiran yang berpanjangan.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ وَاجْعَلْنَا
لِلْمُتَّقِينَ إِمَامًا. رَبَّنَا آتِنَا فِي الدُّنْيَا حَسَنَةً وَفِي الْآخِرَةِ
حَسَنَةً وَقِنَا عَذَابَ النَّارِ.



عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي
الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ
يَعْظُمُ لِعَلَّكُمْ تَذَكَّرُونَ ﴿٩٠﴾

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ نِعَمِهِ
يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ وَلَذِكْرُ اللَّهِ أَكْبَرُ
وَاللَّهُ يَعْلَمُ مَا تَصْنَعُونَ.

Matzan /Li